




ՆԵՊԱԼԻ ԹԱԳԱՎՈՐԸ ԵՎ ԹԱԳՈՒՀԻՆ ՄԱՅՐ ԱԹՈՒՌԻՄ

Հունիսի 16-ին, երկուշաբթի օր, հետմիջօրեի ժամը 2-ին, Մայր Աթոռ Ս. Էջմիածին այցելեցին Երևանում հյուր գտնվող Նեպալի թագավոր Նորին Մեծություն Մահենդրա Բիր Բիրբրամ Շահ Դևան և Նորին Մեծություն թագուհի Ռաթնա Ռաջիա Լաքշմի Դևի Շահը, ուղեկից բարձրաստիճան անձանց հետ:

Մայր Տաճարի զանգերի հանդիսավոր ղողանջների տակ արքայական զույգը ժամանեց Մայր Աթոռ և առաջին հերթին այցելեց Նորին Ս. Օծություն Վեհափառ Հայրապետին, որը Վեհարանում ընդունեց մեծանուն հյուրերին:

Արքայական զույգի այցելությանց մասնակցում էին Հայկական ՍՍՌ Գերագույն Սովետի Նախագահության Նախագահ Ծ. Մ. Առուշանյանը, ռեսպուբլիկայի Գերագույն Սովետի Նախագահության Նախագահի տեղակալ Զ. Մ. Վելիբեկովը, Հայկական ՍՍՌ Գերագույն Սովետի Նախագահության քարտուղար Ս. Հ. Ղևոնդյանը, Հայկական ՍՍՌ Գերագույն Սովետի մշտական հանձնաժողովների նախագահներ Գ. Հ. Ստեփանյանը, Գ. Ա. Արզումանյանը, Ռ. Բ. Ազիզբեկյանը, Հայկական ՍՍՌ Մինիստրների Սովետին առընթեր Հայ Եկեղեցու գործերի խորհրդի նախագահ Ս. Գասպարյանը և ուրիշներ:

Մեծապատիվ հյուրերի հետ էին նաև Նեպալի թագավորին ընկերակցող պետական պաշտոնական բարձրաստիճան անձինք, որոնց թվում ՍՍՌ Գերագույն Սովետի Նախագահության Նախագահի տեղակալ Ծ. Ռ. Ռաշիդովը, ՍՍՌ Գերագույն Սովետի Ազգությունների Սովետի Նախագահի տեղակալ

Կ. Կոնդուշալովան, ՍՍՌ Արտաքին գործերի մինիստրի տեղակալ Գ. Ն. Զարուբինը, Նեպալում ՍՍՌ դեսպան Պ. Կ. Պոնոմարենկոն, բանակի գեներալ Ի. Վ. Տյուկենևը, ՍՍՌ Արտգործմինիստրության Հարավ-Արևելյան Ասիայի երկրների բաժնի վարիչի տեղակալ Ֆ. Պ. Դուլյան, ՍՍՌ և Հայկական ՍՍՌ Արտգործմինիստրությունների պատասխանատու աշխատակիցներ:

Վեհարանում Վեհափառ Հայրապետի և Նեպալի թագավորի միջև տեղի ունեցավ զերմ, սիրալիր զրույց:

Հյուրերը պատվասիրվեցին տուրճով:

Նեպալի թագավորը Մայր Աթոռի ոսկեմատյանում գրեց իր տպավորությունները:

Արքայական զույգը, իր շքախմբի հետ Վեհափառ Հայրապետից հրաժեշտ առնելուց հետո, այցելեց Մայր Տաճար, եղավ եկեղեցա-հնագիտական թանգարանում և դիտեց եկեղեցական սուրբ մատուցների հազվագյուտ հավաքածուն, հայկական ընտիր ձեռագրեր, ասեղնագործված սքանչելի շուրջառներ, վարագույրներ, եպիսկոպոսական խուլեր և գավազաններ:

Արքայական զույգը ջերմորեն դիմավորվեց վանքի բակում հավաքված բազմահազար հայ հավատացյալների կողմից:

Նույն օրը երեկոյան Վեհափառ Հայրապետը, գավազանակիր Տ. Մեսրոպ վարդապետ Անթարյանի ընկերակցությամբ, ներկա եղավ Հայկական ՍՍՌ Գերագույն Սովետի Նախագահության Նախագահ Ծ. Մ. Առուշանյանի կողմից ի պատիվ Նեպալի թագավորի և թագուհու տրված հրաժեշտի ճաշկերույթին:

